

Broj: 01-02/2-1049/25 SK/JR
Sarajevo, 21.04.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/r gđin Dragan Mioković, predsjedavajući
n/r gđa Marijana Hrvić-Šikuljak, poslanik

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 22-04-2025			
Org. jed.	Broj	Priloga	Vrijednost
05/1	-02-	178	25

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-178/25 od 03.04.2025. godine i akt sekretara Vlade Federacije Bosne i Hercegovine, broj: 03-04-709-25/2025 od 09.04.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljena su poslanička pitanja postavljena od strane Marijane Hrvić-Šikuljak, poslanika u Predstavničkom domu Parlamenta Federacije Bosne i Hercegovine, na 19. redovnoj sjednici Predstavničkog doma Parlamenta Federacije BiH, održanoj 02.04.2025. godine, koja se odnose na implementaciju Programa Garancije za mlade, te koja glase:

"Šta su Ministarstvo za rad i socijalnu politiku Federacije BiH, Ministarstvo civilnih poslova BiH, Zavod za zapošljavanje FBiH, kantonalna ministarstva rada i Radna grupa uradili do sada kada je u pitanju inicijativa Evropske komisije Garancija za mlade u Bosni i Hercegovini?"

"Kada će biti sproveden pilot projekat u Visokom i Čitluku u okviru inicijative Evropske komisije Garancija za mlade u BiH?"

"Kada će finalni dokument Akcioni plan Garancije za mlade biti dostupan Komisiji za pitanja mladih Predstavničkog doma Parlamenta Federacije BiH?"

"Da li je Evropska komisija dala konkretna mišljenja, komentare i eventualne korekcije na isti?"

S tim u vezi, u okviru nadležnosti ovog Ministarstva, dajemo sljedeći odgovor:

Bosna i Hercegovina se, na ministarskom sastanku EU-Zapadni Balkan za zapošljavanje i socijalna pitanja koji je održan u julu 2021. godine, obavezala da će podržati zapošljavanje mladih i postepeno uspostaviti i implementirati Garanciju za mlade, u skladu sa principima politike utvrđenim u Preporuci Vijeća o prijelazu na radna mjesta - ojačane Garancije za mlade. Garancija za mlade predstavlja dio sveobuhvatnog Ekonomsko-investicionog plana za Zapadni Balkan koji je usvojen u oktobru 2020. godine, sa ciljem da podstakne privredni oporavak regiona, podrži zelenu tranziciju i regionalnu integraciju, a jedan od deset definiranih investicionih prioriteta jeste i Garancija za mlade.

U tom pogledu, po pozivu upućenom početkom 2022. godine od strane Ministarstva civilnih poslova Bosne i Hercegovine, kao utvrđenog nosioca aktivnosti koje se odnose na implementaciju Garancije za mlade u Bosni i Hercegovini, Federalno ministarstvo rada i socijalne politike je imenovalo svoje predstavnike u svrhu formiranja neophodnih radnih skupina. Imajući u vidu ustavno uređenje Bosne i Hercegovine, na konsultativnim sastancima formirane Ekspertske radne skupine Programa Garancije za mlade u Bosni i Hercegovini dogovoreno je da svaki entitet pripremi Akcioni plan za Garanciju za mlade koji će biti sastavni dio Plana implementacije Garancije za mlade u Bosni i Hercegovini. S tim u vezi, Odlukom Vlade Federacije Bosne i Hercegovine („Službene novine Federacije BiH“, broj: 51/23) ovo Ministarstvo je određeno za nosioca Programa Garancije za mlade u Federaciji Bosne i Hercegovine, te je imenovan koordinator ispred Federacije Bosne i Hercegovine za implementaciju Programa Garancije za mlade. Nadalje, nakon prethodnog određivanja lokacija u kojima će se odvijati tzv. pilotiranje programa Garancije za mlade u Federaciji Bosne i Hercegovine, u skladu sa utvrđenim kriterijima za odabir istih, održani su pripremni sastanci za sprovođenje pilot programa Garancije za mlade, te je formirana Ekspertska grupa za implementaciju Garancije za mlade u Bosni i Hercegovini za izradu Akcionog plana za Federaciju Bosne i Hercegovine. Odmah po formiranju Ekspertske grupe koju, između ostalog, čine predstavnici Federalnog zavoda za zapošljavanje, kantonalnih službi za zapošljavanje i kantonalnih ministarstava, uz koordinaciju imenovanog koordinatora kontinuirano su poduzimane aktivnosti koje su se odnosile na izradu Akcionog plana. Nakon sačinjavanja teksta Akcionog plana, ovo Ministarstvo je u novembru 2024. godine Vladi Federacije Bosne i Hercegovine dostavilo isti na uvid u okviru Informacije o napretku implementacije Programa Garancije za mlade (GzM) u Federaciji BiH, koja je usvojena zaključkom V. broj: 1996/2024 od 16.12.2024. godine. Federalno ministarstvo rada i socijalne politike je Ministarstvo civilnih poslova Bosne i Hercegovine informisalo o navedenom, te dostavilo tekst Akcionog plana za Federaciju Bosne i Hercegovine, kako bi isto moglo da koordinira dalje aktivnosti koje se odnose na izradu Plana implementacije Garancije za mlade u Bosni i Hercegovini. S tim u vezi, Ministarstvo civilnih poslova Bosne i Hercegovine je, uz stručnu i tehničku podršku Delegacije Evropske unije u Bosni i Hercegovini i Međunarodne organizacije rada (MOR), sredinom februara 2025. godine održalo radionicu kojoj su prisustvovali koordinatori svih nivoa vlasti i članovi Ekspertske radne skupine Programa Garancije za mlade u Bosni i Hercegovini za Garanciju za mlade, s ciljem definisanja aktivnosti izrade Plana implementacije Garancije za mlade u Bosni i Hercegovini.

Kada je u pitanju sprovođenje pilotiranja na utvrđenim lokacijama (Visoko i Čitluk), inicijalno je planirano da se pilotiranje u svim odabranim lokacijama, uključujući i one

u Federaciji Bosne i Hercegovine, realizuje u 2026. godine, međutim preduslov je prethodno usvajanje Plana implementacije Garancije za mlade u Bosni i Hercegovini.

Imajući u vidu obavezu usvajanja Plana implementacije Garancije za mlade u Bosni i Hercegovini, kao okvirnog akta na nivou Bosne i Hercegovine kojim će se utvrditi proces i omogućiti implementacija Garancije za mlade, sačinjeni akcioni planovi na nivoima entiteta i Brčko Distrikta ne mogu se smatrati zasebnim aktima koji proizvode pravno dejstvo, već će isti biti osnova za izradu Plana implementacije Garancije za mlade u Bosni i Hercegovini. S obzirom da su prethodno pomenute aktivnosti izrade, u kojima učestvuju svi nivoi vlasti, u toku, nije moguće nagovijestiti u kojem vremenskom periodu će biti iniciran proces usvajanja.

U skladu sa Smjernicama o pripremi plana implementacije Garancije za mlade, nakon izrade Plana implementacije Garancije za mlade u Bosni i Hercegovini, isti se dostavlja Evropskoj komisiji radi davanja pozitivnog mišljenja.

Shodno navedenom, ističemo da je Federalno ministarstvo rada i socijalne politike, u okviru nadležnosti koje se odnose na implementaciju Garancije za mlade, završilo sve svoje obaveze po kalendaru aktivnosti, te dostavilo Akcioni plan Garancije za mlade Ministarstvu civilnih poslova Bosne i Hercegovine koje je krovna institucija za Garanciju za mlade u Bosni i Hercegovini, te da čekamo daljnje aktivnosti Ministarstva civilnih poslova, koje se vezuju za izradu Plana implementacije Garancije za mlade u Bosni i Hercegovini.

S poštovanjem,



Dostavljeno:

- Naslovu
- a/a